

因付蘭公秘言及金丹寶經銅符鐵券令傳授丹陽黃堂靖女
真諶姆且戒之曰將來有學仙者許遜汝當以此授之孝悌王
遂將蘭公遊於郊野道傍忽見有三古塚指以示蘭公此是汝
三生解化之迹其第一塚乃昔尸解所遺仙衣而已第二塚乃
太陰煉形形體已就今當起矣第三塚藏蛻骨耳宜移塚傍之
路勿令人物踐履也孝悌王言訖昇天蘭公乃榜示行人斷其
舊路人謂其妖妄擅移路逕執以詣官官吏拘公而詰其驗公
具以前事對官吏云必若妄言將加誅公曰吾言得之孝悌王
安得妄官吏遂引蘭公與地分對開其塚其第一塚果有黃衣
一領其第二塚見一人童顏弱質如睡初覺之狀第三塚見連
環骨一具眾咸驚嘆吏乃持仙衣還獻府君府君著衣不能勝
還與蘭公公服之即同塚中仙人合於一體竦身輕舉官吏悔
謝虔懇拜問何時再降人間蘭公俯語之曰我自此或十日或
百日一降施行孝道以濟迷途其後吳都有十五歲童子丹陽
三歲靈童並是真仙之化身也將弘孝道之教以接合仙之士
焉

諶姆

諶姆不知何許人也其字曰嬰嘗居金陵丹陽郡之黃堂潛修
至道忘其甲子耆老累世見之齒髮不衰容貌常少皆以諶姆
呼之謂其可爲人師也吳大帝時行丹陽市中忽遇一男子年

可十四五叩頭再拜願爲義子 謹姆告曰汝既長成須侍養所
生何得背其已親而事吾爲母既非其類不合大道於是童子
跪謝而去又經旬月復過市中忽見孩兒年可三歲悲啼呼叫
莫知誰氏之子因遇謹姆執衣不捨告云我母何來惟願哀憫
謹母憐其無告遂收居撫育漸向長成供侍甘旨晨昏不虧心
與道合行通神明聰慧過人博通經教天文地理百氏九流窮
幽極玄探微索奧年將弱冠謹姆謂之曰我修奉正道其來已
久汝以吾撫育暫此相因汝既無天將何爲姓氏兒曰昔蒙天
眞授以靈章約爲孝道明王請以此爲名號可乎姆曰既天真
付授吾何敢違復議求婚兒跪母前說贊

道藏輯要

白真人集

六

三

雙集六
六六

我非世間人 上界高真仙 今與母爲兒 乃是夙昔緣
因得行孝道 度脫諸神仙 向前十五童 亦是我化身
今已道氣圓 我將返吾真 眞凡自殊趣 何爲議婚姻
盍於黃堂壇 傳教付至人 母既施吾教 三清棲我神
謹母聞贊驚畏異常遂於黃堂建立壇請嚴奉香火大闡孝道
明王之教明王告姆修真之訣曰母須高處去壇疎絕異黨修
閑邱阜餌服陽和委鑒太虛靜夷空圃若非無英寶帙黃老玉
書大洞眞經豁落七元太上隱玄之道不可偃息一作輕蓋於流霞
之車一作障眷盼乎文昌之臺也得此道者九鳳齊鳴萬靈萃止
竦身御節八景淨空龍輿虎旂遊翔八方矣母宜寶之於是盡

付妙訣兼授靈章已而辭母飛騰大空謔姆受託寶而秘之積數十年人無知者至西晉之末許真君遜吳真君猛聞姆有道遠詣丹陽求授道法姆知其名在圖籍應於神仙於是授以孝道明王之教真仙飛舉之宗及正一斬邪三五飛步之術仍以蘭公所授孝悌王銅符鐵券金丹寶經一遵元仙傳付許君仍語二君玉皇立譜仙籍品秩乃令許君以道次授吳君二君禮謝將辭歸許君欲每歲來禮謁姆姆止之曰子勿來吾卽還帝鄉矣乃取香茆一根南望擲之茆隨風飛去因謂曰子歸於所居之南數十里認茆落處立吾祠歲秋一至足矣語訖忽有雲龍之駕來迎凌空而去今建豐豐城二縣之界有黃堂觀乃真道藏輯要

白真人集

卷六

叢集六

君訪丹陽黃堂壇所立祠每年八月三日朝謁謔母之所也

附錄

雜著

松風集序

夫松風者天籟也松非有約於風風非有情於松適然相遇則若嘶雲嘯月者使人聽之自有周情孔思存乎其中倏如鏘玉佩忽如鳴瑤琴轉而爲洞簫緩而爲雲韶又其霏微瑟縮則如寒食清明之雨至澎湃喧飀則如楊瀾左蠡之浪起彼焉千枝萬葉其爲一風所攝也如此而風之曉夜疾徐自不同而松之所受也又如此寒響滿乎虛空清音漲於崖谷其非天籟乎孰